

四庫全書

集部

欽定四庫全書

集部

考功集卷八

五至

詳校官中書_臣葉元符

中書_臣劉源溥覆勘

覆校官中書_臣康儀均

校對官中書_臣葉蘭

謄錄舉人_臣任銜葵

欽定四庫全書

考功集卷五

明 薛蕙 撰

五言律詩

藥室詠六首

山階穿藥井石室置丹爐壁掛三天字函封五嶽圖仙人邀對酒玉女伴投壺但逐雲霄去無論日月徂

寂寥花水上結構羽人廬窻戶生雲閣松杉映月虛犬靈因試藥鶴老解窺書長揖當塗客榮華不可如

春院焚香處晨闌却掃時綠綈裝古帙白石種靈芝招
隱劉安賦遊仙郭璞詩蓬萊多舊侶題字問相思

自知靈氣舊轉覺道情新露濕星壇夜泉生藥院春青
泥含石髓丹燭起龍鱗若得金砂就還須贈所親

棲息那云僻芳菲已自多跡應無客到景復有春過戶
內三青鳥花間五色蛾傳言遠遊子不必向山阿

移牀開藥錄鍊玉閉丹房五石終朝轉雙瞳幾歲方壺
中能駐景天上任飛光永得長生術將留不死鄉

臺上

臺迥通風榭，窗虛近水城。
卷簾殘暑去，攜手晚涼生。
碧樹藏雲暗，銀河度月明。
醉來愁髣髴，只作畫中行。

水亭二首

路引水亭出，舟行沙岸迴。
使君攜客至，歌伎逐人來。
檻底鵝鵲舞，窗中菡萏開。
風光莫相負，長日且銜杯。
中流放輕舸，極望何青青。
宛轉遵蘭渚，夤緣到水亭。
簾櫳圍樹石，堦砌列烟汀。
緩坐留斟酌，長歌間醉醒。

邯鄲館中

門對果園靜城臨睥睨斜愁人倚高閣清夜動悲笳月
暗雲生葉風寒露作花徘徊望牛斗髣髴辨京華

北征

地闊塵沙外天寒霜露中燕雲常少日朔氣自兼風夢
斷南樓鳥愁隨北向鴻淹留憶攀桂辛苦歎飄蓬

昭王臺

燕昭無故國薊野有空臺寂寞黃金氣淒涼滄海隈腐

儒終報主亂世始憐才回首征塗上年年此地來

九日同何仲默出郊

九日登高會同人載酒來寒城一以眺秋色正堪哀零
雨晨初霽浮雲午未開南飛有鴻雁為爾立徘徊

駕出南郊

青鳥南郊至蒼龍北闕來遙傳仙蹕下正覩紫微開倒
景中天館叢霄上帝臺從臣多獻賦誰似子雲才

駕幸南海子

詔幸芙蓉苑傳言羽獵行三驅陪上將四校出神兵列
戟圍熊館分弓射虎城風雲日暮起偏遶漢皇營

春日禁中遇雪

紫禁春朝雪花飛彩仗新霧交隨雉尾風引避龍鱗掌
濕金人立憲寒玉女顰翠華沾灑處遙憶屬車塵

元夕興隆寺觀燈

燈火金仙閣丹青綉佛筵叢林開寶樹大地出紅蓮梵
鏡含明月天香雜彩烟諸公共隨喜吾醉欲逃禪

送劉子緯病歸

鄴下劉文學成都漢長卿淹留卧病意蕭洒著書情賓
客頻頻去風塵轉轉生天涯雙淚眼回首送君行

送周侍御

閑越三山外東南八郡遥褰帷向絕徼攬轡下中朝風
起江潮動霜飛瘴霧消九重思諫諍計日上雲霄

送李儀賓

漢殿朝正至燕京送客迴春風兔園路歌舞鳳樓開綠

水清泠閣西山鼓吹臺
宋中詞賦地他日好歸來

海棠畫扇

西蜀繁花樹春深
亂蘂紅還憐彩扇上
宛似錦城中影轉
團團月香含細細風
江淹才力減賦爾若為工

江淹有絲畫扇賦

病中何仲默蔣子雲過訪

何人顧寂寞盡日少歡娛
慰藉煩知己扳留強病軀
濁醪來近市野飯出中厨
珍重交親意艱難愧腐儒

送徐中夫令南昌

孺子躬耕地諸孫邑宰時承家在爾輩高士亦吾師山
坼洪崖井江深許令祠縣齋臨絕境未可廢言詩

贈董應期侍御

同時多逐客而我獨憐君棄置勿復道淒涼不可聞風
波一流落江海遂離分他日書相及常因西北雲

答王允升省中對雨見憶之作

康樂愁霖唱平原苦雨詩故人歌此曲贈我慰相思薜
荔垂青閣芙蓉汎綠池今朝一樽酒最恨不同持

送毛敬父之廬州

北峽吞淮口東陵控海隅霍山分岳鎮肥水混濡須從
事之官遠觀風問俗殊廬江多小吏應候府中趨

望湖亭

陰磴穿雲上天窻綺霧中蒼茫玉泉水指點翠微東坐
石牽蘿蔓攀崖憩桂叢何當避炎暑几杖待秋風

石經寺

翠巘雙林合丹梯一徑懸洞門臨地底石室與天連丈

字開龍藏金銀布梵筵茲山實靈異吾欲託棲禪

送蔣國信之桐鄉

始對賢良策登科遊漢京俄分尚方履出宰卧江城余
憶東南美長懷山水情須君為地主早晚越中行

七夕集廷獻宅

秉燭開秋宴更衣坐晚涼雲霄降帝子詞賦接仙郎月
寫蛾眉色風傳玉佩香慚君有妍唱欲報不成章

七月十五日夜對月

金史卷五
卷五
嫋嫋涼風夕紛紛零露時秋來看明月風露已如斯況
對西園酌兼懷康樂詩山中有桂樹今夜足相思

道院秋日海棠

偶來仙館內花萼滿枝紅彷彿看珠樹玲瓏映藥宮預
傷白露下坐惜綠雲空躑躅攀條處佳人不可同

宴故英國公山亭即文皇帝賜第

東第君王賜西園賓客來將軍元好士公子復憐才玉
袖花間出金尊竹下開還須明月上莫畏夕陽催

送戴長史

詞臣漢廷出邸第魏王開地即清漳郡人同鄴下才月
中遊桂苑風裏宴蘭臺宣室如相訪長沙去復來

八月十五日夜同諸友翫月

樓敞含風氣筵開墜露文月從今夕滿秋向此時分影
濕當銀漢光斜隔彩雲徘徊接新詠況是鮑參軍

書省內壁

終朝謝文墨嗟此簿書繁日宴高齋靜風來寒鳥喧倦

遊傷歲序多病憶田園何事成淫滯微官豈足言

雪

時車駕北狩大同

北極關山濶寒冬雨雪來霧沈玄菟塞風繞白龍堆胡
虜猶深入征人且未回遙思穆天子黃竹有悲哀

訪雍上人

冬日自虛寂東林地更偏經聲行處近燈影望中然殘
雪明花苑寒雲蔭石筵祇應休澣暇來此暫安禪

晦日夜集

晦日歸休晚良游惜後時卻判長夜飲更賦早春詩雲
霧窻中入星河閣上垂何須花與月行樂始相宜

答士奇

能來駐車轍不待拆書緘上客同王粲貧家似阮咸清
談對雲竹緩步倚風衫安得盈杯酒今朝共爾銜

同士奇子雲飲

春風吹酒杯花鳥更相催惜此留連坐判成酩酊迴安
能自結束聊復共追陪今日不為樂流光去若顏

招廷獻子雲飲

廢書多病後，抱杖獨行時。
晚日添花蕊，春風積蔓絲。
物華空爛漫，心賞每參差。
遲爾來同醉，能無酒一卮。

春夜過時濟飲

露淨開樽處，天青斫幘時。
素雲將月上，香霧任風吹。
為樂常苦晏，含情復待誰。
徑成一醉莫，遣酒行遲。

夏日遊道觀

隔竹窺丹洞，臨池坐碧沙。
玉拌盛石髓，翠籠貯雲芽。
展

簾來風色吹笙上月華休論河朔飲詎似醉流霞

陳真人館中賞荷花作

別館瀛洲麗新花菡萏香紅衣迷日色翠蓋寫波光雨
過金塘濕風生石檻涼客來修竹下回首見瀟湘

仲夏即事

林卧采芳草今朝鷓鴣鳴悠悠觀物化默默感吾生老
大慙聞道空虛耻近名沈吟日云暮搔首獨含情

江中四詠送黃日思韻限本題同諸公作

江霞

春江變氣候，孤壘發雲霞。
散影搖青草，流文漾碧沙。
紅泥迷燕子，丹洞失桃花。
水宿淹晨暮，應憐謝永嘉。

江雲

謝客弄春色，江臯生綵雲。
紛紛初散綺，葉葉漸成文。
蔽日皆相映，流風乍不分。
何因可持贈，欲以慰離羣。

江花

百丈牽江路，行穿夾岫花。
時憐一水曲，遠愛數峯斜。
林

下見垂釣溪邊逢浣沙武陵如在眼髣像羽人家

江猿

舟行轉江峽處處響哀猿極浦雲方合連山雨正昏接
條時自挂飲水復相援不待三聲盡先傷游子魂

六月八日西關遇雨

窈窕西清內參差水殿連歸雲向平樂飛雨集甘泉明
月裁班女迴風唱麗娟龍池初望幸來往木蘭船

落日

落日掩書卧荒庭起獨行回看太虛上竊靄動秋聲寂
寞抱真蘊飄飄遺世情白雲不相識何肯入前楹

寄何仲默

久別憂成結書來不解顏開緘未讀半攬涕望秦關簿
領余方倦馳驅君詎閑相將保玉體去去入名山

九日遊興隆寺

厭就騷人會欣投釋子家林風鳴貝葉徑露濕金沙宴
坐依雙樹清齋服九華晚來歸客倦欲借白牛車

晚過仰之置酒

燕京久為客，秋日正思家。
不忍聽鴻鴈，相尋醉菊花。
空庭餘木葉，短褐滿風沙。
同病今如此，酣歌惜歲華。

晚坐有懷

落日照簾櫳，寒城烟霧中。
銜杯對衰菊，流目送歸鴻。
未覺賞心廢，但驚親友空。
遙遙此時恨，萬里託秋風。

對雪

庭雪曉逾鮮，鈎簾興渺然。
紛紛墮花絮，裊裊亂風煙。
悵

望游梁賦沈吟憶戴船佳期每遼濶留恨閨芳年

謁茂陵祀孝貞太后

一棄東朝養千秋不復歸夜臺長寂寞月殿少光輝野
露棲金盃山風動玉衣茂陵多碧草春日自芳菲

功德寺

憶昨宣皇帝西方結勝緣莊嚴修佛土功德施人天龍
象山開闢金銀地接連傷心萬歲後陵谷尚依然

蕭氏園 二首

麗日方春暮名園更水陰
葱龍花滿徑迤邐竹成林
不見川原盡祇愁雲霧深
向非霑醉後幽絕恐難禁

徑狹褰裳處川平伏檻前
華林一何麗碧水復相鮮
魚鳥方堪狎纓綏頗可捐
居然謝塵垢不待濯潺湲

送馬伯循二首

弱歲來京邑已聞之子賢
長懷慕先達詎意竊同年
感激深相附逡巡只自憐
如何復為別瞻望益茫然

城隅飲餞地日暮朔風吹
征鳥不返顧浮雲相背馳
踟

踟躕意何極嘆息涕空垂世路今如此焉知後會期

重游蕭氏園 二首

別此真如昨重遊換物華粉滋曾倚竹紅淺舊看花沙
阪縈林曲山籬逐水斜城南咫尺路未覺往來賒

野靄橫蘭徑泉聲落草堂丈夫修鴈繳童子護魚梁釣
弋亦堪老風塵緣底忙淹留不忍去日色晚蒼蒼

歸別業作

五載去京國今來歸舊廬林荒巢野雀徑毀蔓園蔬意

倦風塵際身危疾病餘多慙久懷祿中落此田居

扶策

東風解娛客往往慰幽栖扶策循蘭徑流鶯逐我啼青
莎已齊葉紅藥始含萼昨覓隣家酒今朝聊可攜

西齋

西齋休憇地永日卧書帷燕舞隨風絮鶯啼集露枝病
因閒自療春與醉相宜却悔牽行役年來忽去茲

郭外

郭外平蕪迥溪邊小徑斜客行迷野竹鶯語隔林花多
景每難遇孤遊還自嗟佳期竟何許脉脉向春華

西園對雨

漠漠春陰黑連朝卧小園野花川上落水鸛雨中喧衣
袂身猶冷看書眼欲昏不堪逢寂寞倚仗有清樽

酬惟喬贈巾

野巾初著日心賞竟朝暉試正行窺水從歌卧看雲坐
翻嫌月露出每避塵紛顧影還相笑風流媿使君

酬惟喬惠鹿

憐此園中鹿君侯贈野夫
塗艱常近患物儻益妨軀
林藪空相憶藩籬坐自拘
忍甘充玉饌願為東生芻

泛溪

避暑清溪曲舟行路不窮
詩成孤嶼上酒盡夕陽中
綠竹含秋色紅渠送晚風
歸來就明月移棹水雲東

秋夜

西園秋漸好晚眺倚山扉
鶴語風生竹螢飛月滿衣
乍

憐幽意慙翻恨賞心違
佇空林下中宵獨未歸

別墅即事

丘中輟耕牧挈杖返衡門
落日茅茨暗秋天禾黍繁
隣人送卮酒小婦具盤飧
念此信為樂悠然懷故園

秋日溪上

何處窺秋色寥舟入水隅
清波照鳬鴈寒露洗菰蒲
促迫悲生事登臨快病軀
由來野人意終日羨江湖

九日顏子攜飲西郭

九日愁空卧西園喜並游閒居同栗里置酒得荊州樹
擁樓臺出雲隨鼓吹浮不辭重落帽短髮自堪羞

新館

別墅棲遲處高齋登眺初故渠臨圃近新竹繞庭疎素
心已澹泊絕學轉空虛非關選幽勝偶此寄吾廬

晚過鄰叟

野外歲陰早晚色正霏微石蘭向風靡海鶴犯霜飛投
策暫云憇采苓方未歸幽人已相候隔水啟荆扉

環堵

環堵郊墟外，衡門野道邊。
林昏罷風夜，月白欲霜天。
落魄隨身世，棲遲失歲年。
平生有微志，今已愧前賢。

不寐

一榻微寒入山房，夜未局凝思天籟發。
不寐谷神醒本自淹衰疾，何堪役性靈。
列儂如可學，吾欲駐頽齡。

丘中

返照丘中路，孤烟水上村。
野田荒蘚色，沙岸落潮痕。
日

短牋書卷天寒頻酒樽定知無客到不必掃柴門

原上曉望

平原搖落盡極目見寒空初日煙塵外滄波晝夜東孤
芳遺雨雪高鳥下天風俛仰無相晤長歌思不窮

負郭

負郭茆堂小臨溪竹圃斜山樽攜野客魚網曬鄰家荒
徑封殘雪踈籬透晚霞預思春到日著處種桃花

晚步

落日滿平蕪風煙似畫圖空林助鳴鶴遠浦失歸鳬白
幘狂猶岸青蓑倦自扶歛思酬物色佳句未應無

寂寂

寂寂多相笑悠悠畧自諳謀生只如此經國更何堪偃
仰身微健踈慵味頗甘敢云忘魏闕正爾聽江潭

贈顧英玉時謫許州過亳見訪

殘冬江北路寒苦異金陵駕馬行來遠衰顏別後增劒
埋餘紫氣玉玷有青蠅世故多堪惜因君重撫膺

漕河舟中作

悠悠漕河水今日更遄征敢議占時出祇言循祿行田園違宿昔軒冤累平生緬憶高賢跡遲迴何限情

元夜諸公會不赴

九陌帝城中煙花繞漢宮銀河流夜月火樹煖春風余枕憂如昨軒車恨不同時聞玉珂響寂寞卧牆東

送南元善守紹興

傳聞會稽郡清絕擅三吳水竹深蘭渚雲峰滿鏡湖論

交媿連壁出守羨分符時有東南使新詩未可無

文徵仲蔡九達初至都下會飲興隆寺王直夫

館中分韻得涼字

把燭尋山徑開樽掃石堂風流初邂逅露坐轉清涼竹
樹寒雲色花林宿雨香高談真絕倒無暇問津梁

送朱侍御之南臺

不謂雲霄去能為江海行知君古人意非是厭承明出
國仍簪筆憂時未請纓他年有封事更覺見平生

同大復避暑寺中

攜客東林院涼宵掃竹亭
龍珠寒露殿寶樹影雲扃
聽法元清淨觀心自杳冥
坐中餘爽氣虛對北山青

王明叔東谷卷

谷斷懸山閣崖通度石橋
日蒸滄海氣霞動赤城標
雪壁花先映霜嚴葉後凋
空題招隱曲悵望隔雲霄

玄明宮後園石山

出郭仙城近探幽福地遙
珠林行窈窕錦石上嵒嵒
雲

裡仙人酒山中玉女簫蓬萊去何許東望海邊潮

二月八日趨事山陵出郭有述

出郭雲沙靜迎人谷鳥喧春行趣風日夜望極川原山
翠晴偏近林芳暖欲繁登臨吾所好幽興忽飛翻

行次陵下

澗壑欹金岸峰迴轉翠屏園陵何鬱鬱氣色但冥冥天
外雲長白山中草自青徘徊踐霜露愁寂仰巖扃

祀歸作

始驗靈風集俄瞻紫氣遙玄宮罷歌吹玉佩散雲霄
仙馭紛皆逝天香宛自飄青山悵回首松栢轉蕭蕭

晚憩玉泉寺

看山興不輟落日有餘情稍憩中林宿猶攀絕頂行
風泉晚逾響松雪夜微明長嘯雲岑上飄蕭白露生

泛舟二首

別館初停騎橫塘更泛舟蘭芳滿南浦翠羽覆春洲
落日明漁火微風引棹謳今朝泥行樂那減習池遊

水口移舟入煙中載酒行渚花藏笑語沙鳥亂歌聲晚
棹沿流急春衣逐吹輕江南采菱曲回首重含情

直省中懷浚川

寓直深春日端居薄暮時鉤簾看紅藥隱几聽黃鸝省
署容吾病風塵懷我師憂來對明鏡不貸髮成絲

送樊侍御孝甫奉母東歸

柱下隨親去廷中得賜歸日斜烏鳥急春暖鳳雛飛煙
草迷駘馬風花逐繡衣都門望行色垂淚戀庭闈

寄孫山人 二首

吾憐孫處士萬里狎滄波海色占龍卧天風聞鳳歌誰
言竄身遠尚畏取名多相望冥冥外虞人奈爾何
有客今何事江邊采日華行穿四明雪坐對赤城霞中
散寧為吏梁鴻不顧家思君入吳會築室煉丹砂

道院看牡丹晚際遇雨作

把酒未成醉恍然驚暮寒薄陰含錦樹片雨濕朱闌霞
妥青絲佩風搖赤玉盤微芳恐銷落珍重卷簾看

對雪

天外匿寒日雲邊韜曙霞風吹玉山雪飛滿謝公家隔
簾訝行月拂檻認飄花方持一樽酒酣飲答年華

詠新竹

娟娟階下竹新綠漸氛氲石影生寒氣沙光滴露紋
蘭聊可品桃李自難羣不待風霜日蒼然見此君

山亭

西園禁垣東涼生暑漸空小池盈宿雨叢桂易秋風獨

鶴窺雲際幽蘭思露中來遊行樂地不惜醉山公

次韻酬孔汝錫

多君金馬客就我竹林間對酒頻移席論文一解顏
詞臣黼補外野老合投閑賴毫殊相近詩筒約往還

余有洮溪硯乃孔汝錫所贈者每懷其人因成
斯詠

閒居無一事雅好獨斯文每拂洮溪硯因懷闕里君
題詩情款曲揮翰思繽紛憑寄關西使何時到隴雲

李子西送佛頭青花得自永寧王宮中蓋牡丹
之殊異者喜而賦詩且改名為萼綠華云

故人真好事為我致名花書寄夷門道春來帝子家玉
肌明素雪翠袖影青霞合避金仙號更名萼綠華

春日宴集

連騎遊南浦方舟泛綠波日華雲際薄春色水邊多蘭
渚容罇俎花林映綺羅祓除期亦逼奈此宿醒何

閱世

脫死風波路偷生鳥獸羣賦材元散木閱世只浮雲聖
代慚無補衰年幸有聞佯狂堪卒歲不必草玄文

謝文徵仲寫金剛經

齋沐開經卷名香手自焚天人遙作禮鸞鳳鬱成文心

印傳先佛書林擅右軍殷勤謝良友何日訪停雲

停雲
傲仲

書室名年來屢有命
駕之約因循未果

晨起

童子掃園徑山禽花外飛青梧裏宿露紅槿麗晨暉多

病志意減閑居賓客稀今朝惜清景偶此一沾衣

玉簪

澹泊宜開晚紛數喜在陰秋風一披拂花萼正蕭森
比玉幽人操懷霜烈女心淹留玩芳草聊用謝華簪

紫薇

紫薇開最久爛漫十旬期夏日逾秋序新花續故枝
楚雲輕掩冉蜀錦碎參差卧對山窻下猶堪比鳳池

牽牛

冉冉朝華密翻翻
露葉新乘時方巧笑
移日已含顰
感興悲微物傷心泣
小臣浮榮甘夙隕
仍作飯牛人

雞冠

陋圃乏奇樹
凡花充藥欄
職司愆風夜
名品濫衣冠
俛首同尸素
輸心異渥丹
一鳴猶不易
五德亮應難

菊花

蕭條暮秋日
三徑有黃花
不借東風力
宜栽處士家
侵陵任霜露
汨沒儘泥沙
自恃真堅性
悠悠閱歲華

九日周守宴集

九九欣嘉節仍嗟歲月催
郡齋高宴會野老忝追陪
聯句揮彤管吹花捧玉杯
山公愛留客日暮未能迴

觀舞

妙伎出秦中纖腰學楚宮
翠帷低舞燕錦薦踏驚鴻
宛轉歌相似嬋娟態不同
無因逃酒去懊惱白頭翁

夏日即事

宿雨池塘滿薰風草樹多
鳥飛衝落絮魚沒翳新荷
釀

酒供斟酌吟詩當笑歌田家耕種日間巷少經過

暮春

春光垂晚暮天氣轉清和遲日增花萼微風罷水波拋
書常懶讀得酒即狂歌看取星星髮今年又校多

次韻酬徐遠卿侍御三首

世家傳孺子儒術邁楊雲遠紹宣尼業旁摹柱史文

侍御

作述文類
老子故云蘊真安可測摘藻已難羣欲報瑤華贈春林

尚未芬

使節還天路幽棲阻澗雲神交承問訊心折阻論文蚤
歲頻求友孤蹤久離羣尚慚同臭味空此襲餘芬
蚤為多學誤筆墨擬澗雲晚悟無言訓筌蹄廢藝文絕
音難偶俗良友不同羣歎息幽蘭意無人祇自芬

次韻蘇允吉侍御臺中四詠

烏府新承寵瑤臺別故羣緩行簾外入清唳枕邊聞藻
翰經題品高軒擬見分蘇耽真愛汝何啻附青雲

右臺鶴

日到此君側都忘案牘勞幽居懷濮上

允吉濮人

歸思滿江

皋鳳鳥春應至琅玕綠漸高徂徠舊賓客詩酒定誰豪

右園竹

玉蕊憐傾國金瓶為洗粧凝脂何太白沈水坐無香脉脉含多思紛紛妬衆芳遙聞東閣詠髣髴對清揚

右瓶梅

後園盆山麗當軒畫障橫蟲穿嵌竇圻雨漬古苔生刺倚雲根卧難尋鳥道行高文一引重列岫可爭衡

右盆山

寂寂

寂寂對春風無詩賦惱公方慚同繫馬未暇擬雕蟲得意多言外歸心半偈中拈花聊一笑果信色成空

村居

寂寞村居僻荒蕪草徑深飛蓬來曠野啄木響空林薄暮聊凝望清江正苦吟此生甘落魄自笑果何心

七夕

七夕新秋節雙星舊會期鵲橋貪渡早鳳杼畏拋遲月
下聞仙佩雲中望翠帷長門當此夜定自泣蛾眉

對雪懷孔汝錫

美人一為別勝日輒相思獨對山齋雪遙懷瓊樹枝置
書常滿袖枉駕竟愆期寂寞罷琴酌空吟招隱詩

考功集卷五

欽定四庫全書

考功集卷六

明 薛蕙 撰

五言排律

送周子賢按貴州

萬里牂牁路炎洲百粵南懸梯穿鳥道流沫下龍潭赤
坂龜鼉出玄崖日月含虹霓蒸海氣煙霧灑春嵐飛獬
緣篁竹垂猿墮石楠橘花香細細藤刺綠毵毵嶺外青
驄馬臺中白筆簪秦冠高鐵柱漢節照金函行邁應多

暇登臨素所耽江山吟謝客物色助清談送遠都無緒
憂時且不堪安危廷諍地遲子但朝參

飲何太僕答贈

金馬樓方朔文園卧長卿何人今繼作夫子早知名曠
世同諧遇憐予似弟兄羊何叨唱和王蔡忝逢迎酒縱
連朝飲詩留向夜成扳歡意不盡真見古人情

送許侍御謫定州

志士官不達千秋同一時今看許夫子竄逐使人悲才

大元相誤名高只自危
恓惶千里曲惆悵四愁詩
北望關山阻南飛羽翼垂
平生懷感激送爾益悽其

送劉長興

劉子今年少文章欵老成
青春動才調摠角已聰明
父黨同交輩前賢畏後生
翻然兼鮑照不啻似陰鏗
歷代流傳體千秋著作名
詞場予有託他日爾橫行

寄題延陵吳長史山居

魏苑芙蓉沼梁臺脩竹園
徐陳游上國枚馬託名藩
歌

賦從容地追隨優渥言病來謝賓客歸去卧丘樊巖穴
仍招隱風塵稍避暄山疑七里瀨水似武陵源背渚排
江閣迎峰架石門波瀾生枕席彩翠落琴尊鴻寶傳遺
術離騷念舊恩秋風懷帝子春草憶王孫勝事幾人共
賞心千載存相思隔雲外挂樹屢攀翻

游天壇沈道士館得登字

屢憶尋真地秋來興可乘仙人偶相約才子更同登晚
日餘煙霧涼天減鬱蒸金莖生片露玉井濕殘冰水對

瑤壇直山圍翠樹層靈宮七綵帳深殿百枝燈過澗窺
泉脉攀崖步石稜雲扶上縹緲風引入凌兢浪喜追遊
並猶慙作賦能醉中操翰墨應仗酒如澠

過魯山禪師故院世傳師講經雨花因題斯句
昔聞魯山子此地講經年長者開精舍門徒聚法筵上
方迴錫杖高坐發香煙指點楊枝拂翻披貝葉編辯才
超正覺慧照破冥筌解脫周塵界光明徹大千山川震
十地龍象見諸天梵樂流雲下靈花蔽日懸我生惟率

爾彼岸轉茫然學道慚餘齒尋師負宿緣繩床無虎卧
畫壁有蟲穿隙網垂銀樹陰苔綴石蓮神燈風已滅仙
鏡月空圓隨喜畢三會含悽向四禪真乘仍自蔽疑義
竟誰詮稽首西來意非公那復傳

送劉遵教赴河南僉事兼河北兵備

暫輟臺中妙兼分閫外名兩河開幕府萬里作長城卻
穀真堪帥穰苴本善兵追奔立表待傳檄據鞍成盜賊
空三輔烟塵掃北平間閭無夜警部曲有春耕風勁吹

龍角雲輕抱翠旌遙占猛將氣偏逐使君行

寄崔內翰

病起身仍健秋來興不孤
心情那可減肺氣欲全蘇
蟻穴依床席蛛絲織畫圖
塞帷窺物色倚杖理荒蕪
撥悶憑詩卷忘形付酒壺
昔賢遺軌躅餘力誓馳驅
良史傳經術高才繼典謨
赤鯨凌海水翠鳳上天衢
仙籍通羣帝文星近六符
馬遷慚實錄劉向謝醇儒
玄覽來神契冥搜入奧區
蓬萊披琬琰太乙下虛無
顧我惟書肆知

君類說邪憲章崇闕里辭賦陋鴻都東魯宮牆閱西京
戶牖殊百家流汜濫六藝混泥塗未覩崩頽振深思筆
削扶飛騰愁失墜衰颯迫號呼落落親朋遠悠悠歲月
徂提攜如有分終願託微軀

寄何中舍

翰墨何顛顛英靈有屈伸千年闕氣運一代出精神夫
子興篇什聲名動縉紳波瀾含詭譎刻削露嶙峋李杜
那堪數曹劉不足陳無人宗大雅舉世擬凡倫文學元

同列風騷自有鄰
新章標創始舊例起湮淪
已覺空前輩懸愁絕後塵
價卑皆咄咄力怯謾逡巡
綺麗才難並湛冥道所珍
逍遙歸母氏杳眇入天人
霄漢心常遠神仙意獨親
緒言存著作大業負經綸
蹤跡升沈隔交情契合真
過逢頻下榻離別據沾巾
去國仍初服還鄉似昔貧
丹房天上藥酒肆世間身
青瑣辭通籍滄洲憶問津
儻逢桐栢隱訪爾故山春

北狩

秦皇巡海右漢武幸闕東昔悵千秋跡今看萬乘雄期
門陳後苑清道出離宮霧遶旄頭黑塵翻豹尾紅天營
屯斗極御氣下雲中射獸闕支雪焚山瀚海風繫纓驅
散卒載筆扈羣公此日燕然石長刊北狩功

寄范處士

萊子不肯仕榮期豈患貧絕塵今莫嗣高尚爾為鄰抗
跡違紛競和光異隱淪鷦鷯見生理鷗鳥會天真栖息
丘園曲行歌湖水濱白雲無盡意滄海自由身放曠欲

何極沈冥難可親
薄游已從告去去
逐幽人

賦得張公洞壽吳封君

羽客尋僊地靈丘
開洞天雲根宛自裂
風穴遞相纏合
沓藏丹磴玲瓏散
紫烟珠林秋不落
赤日夜長懸鳳吹
俄云去龍車
豈再旋福庭
還似昨真氣獨蕭然
石圻燒金竈
苔荒種杏田
非公復棲遯
闕寂此山川

除夕作

日夜遞無隙
此生行且休
即看寸陰戢
遽惜一年周
周風

昔好棲遯至今仍倦游衆皆嗟晚暮吾獨事淹留天地
兵猶滿形骸病未瘳欲從吳市隱尚抱杞人憂偃息信
為愜功名非所求河清如可俟徒願老滄洲

閒居作

拙薄效從宦孱羸希代耕終然塵省署且復返柴荆出
處詎從道浮湛聊任情病多甘廢棄技短息逢迎越海
慕康樂游山懷尚平何時果林壑偃仰遂吾生

至日寄都下舊游

歲杪迴陽候天涯思客心關山愁裏濶雲物望中深卧
疾妨朝隱歸田分陸沈盤桓寧自負哀謝苦相侵有志
悵伊昔無成嗟至今未能通一藝詎解惜分陰荏苒看
窮律蕭條對故林蓬蒿滋戶牖霜雪壞衣衾失侶方離索
迷塗更滯淫因聲青瑣舊聊代白頭吟

歲暮田居寄子雲希尹

踈散棄簪裾歸休依井閭自知非宦侶雅意是閒居伐
木構新宇種苗開舊墟跼蹐寄農圃出入偶樵漁歲晏

風霜早田家耕獲餘空牆懸耒耜敝篋貯詩書談笑過
隣父喧呼避里胥綻衣添敗絮酌酒饔枯魚揚子貧猶
在嵇生懶未除驚駭忘蹭蹬落羽謝吹噓嘿嘿寡同調
悠悠無起予近來思二仲相念復何如

庚辰八月謝病南歸奉寄王浚川先生三十韻
聖代弘文運詞臣作頌年聲明增潤色藻翰鬱聯翩側
席思今上登朝集衆賢儒林卑漢武雅道復周宣後進
爭談藝諸公早並肩風騷各自命碑版竟誰傳王子吾

師表名家爾最先過都驚汗血切玉辨龍泉西掖初遷
謫南臺再棄捐才高無汲引數厄有屯遭流寓沿荒徼
棲遲徧冗員山城盈瘴癘海郡匝雲煙寢息防多恙行
吟苦未便湘纍愁澤畔康樂倦瀛壖履信曾非慊貼危
幸已全梁園歸倉卒蜀道去寅緣雅興應難輟新詩定
可憐銅梁輸險絕錦水奪清妍岐路彌云阻音徽日眇
然使車勞促遽郎署困沈綿時俗知音少平生激賞偏
素心乖報國生事擬求田默默辭燕闕悠悠望劔川黃

金遺駿骨綠綺絕哀絃薄宦情殊倦閒居病稍痊風塵
俱擺落巖壑每周旋采藥臨蓬渚藏書入洞天珠林寥
的皦丹液漱潺湲遙憶峨嵋曲長歌鳳鳥篇何當解纓
紱蕭灑共尋仙

恭讀嘉靖改元詔書十二韻

四海艱虞日孤臣慟絕時武皇遺後命興國兆前知劒
佩迎朱戟絲綸發玉墀訏謨闕社稷惠澤被惇嫠九廟
垂玄貺三靈翼聖期飛龍同利見鳴鳥佇來儀當代鴻

圖永先朝泰運哀羣兇累惟幄萬姓苦瘡痍哲后膺神器宗臣備鼎司惟新占舉措早辯慎安危魏闕心空切文園病轉滋淹留吾不恨感激自成悲

寄劉士奇王允升戴宗道張時濟四同年三十

韻

往與諸君同在此部

哀劣今如許飄零復在茲故人多契濶新歲獨淒其棄置曾誰惜龍鍾亦自嗤端居末倍冷徐步杖仍遲日日驚腰帶星星歎鬢絲膏肓危二豎營魄蠹三尸枕席祇

勤卧尊壘輒懶持鶯花憎麗景煙月負幽期夙昔游燕
闕風流集鳳池朝回青瑣闥宴坐白雲司覆奕邀王粲
聽琴狎戴逵李鷹元嗜酒公幹最能詩夜對金壺滿朝
褰錦帳垂琳琅光焰爛鴛鴦羽參差攜手彌年歲銷魂
各路岐神交猶未隔心賞遽難追諸彥名逾振孤生世
所遺軒裳辭上苑泉石占東菑林下開蓬徑牆邊樹枳
籬山窗盤薜荔水檻宿鸕鷀放浪情難盡躋攀力已疲
積疴真潦倒壯志稍磷緇汲汲虛從事冥冥寧守雌蹉

跼淪散地馳騁後明時多病文園老無媒賈傳悲丹霄
看漸遠滄海竟何之雅調懷鍾子高談阻惠施青萍羞
晚售紫燕苦長饑不啻傷遲暮那堪怨別離茫然萬里
外一札報相思

出行四圖為何燕泉先生作

西域防胡日南宮動使星舊分雙赤管新佩一青萍隴
月傳兵候關雲結陣形千金收虎士萬馬蹴龍庭方略
隨封事文章待勒銘應嗤班定遠頭白遲邊亭

右職方奉使

六省今名士三川古劇藩
含香辭禁闥揚節下都門
王跡餘京洛戎風變陸渾
疲人迎皂蓋小吏擁朱軒
列郡謳歌滿中朝錫予蕃
仍聞詞賦手文采擅梁園

右藩省旬宣

沙苑禁城限天閑十二開
欲脩羣牧令還倚列卿才
照野雲千色填山錦萬堆
鑄形珍漢闕市骨笑燕臺
大閱軍容壯橫行敵陣摧
始知中國富不假大宛來

右太卿考牧

明主憂荒服中丞按遠陞西臺分節鉞南極駐旌旗
包匭輸蕃使衣裳變島夷神留碧雞頌吏譯白狼詩
羊傳襄陽樂文翁蜀郡思知公同二子遺愛向滇池

右都憲巡撫

送顧華玉邊廷實歸南都

邊顧文章伯聲名三十年價高雙白璧調逸兩朱絃
憶昨初傾蓋看君早著鞭龍門愁峻絕驥尾慕寅緣
中歲

逢迎阻清宵夢想偏盡替重見日鳴玉並朝天置酒春
壺滿題詩錦字連城隅方曲讌陌上忽離筵言送東南
美真如李郭仙望塵悲往路臨水惜徂川吳會浮雲外
燕京落日邊相思日延佇須枉濟江篇

送王舜夫水部之東魯官解

曩昔詞林客偏多水部郎于今嗣風雅吾子歟翱翔東
郡分行省南風引去檣山城蟠海岬官閣淨湖光宛似
幽居好翛然燕坐涼定知題詠富未覺簡書忙吏隱情

都恆登臨興轉長新詩如不惜細札莫相忘

送楊石齋

社稷功成後山林避寵年遭逢誰可並出處獨超然反
側當前日經綸邁昔賢殷憂興聖主至治格皇天凶豎
同摧朽蒼生盡解懸廟謨隨指顧臣節見周旋智勇千
夫敵勲勞百辟先賞仍虛裂土名已重凌煙握璽慚周
勃揮金笑魯連急流嫌盛滿介石慕貞堅許國心恒切
還鄉興偶牽留侯初相漢樂毅晚辭燕異渥絲綸數高

風進退全草停黃閣詔花簇錦江船水檻星橋側茅堂
雪嶺邊雲霞深綠野卉木富平泉事業存鍾鼎儀刑照
簡編累朝瞻翊戴四海憶陶甄白首歸休記青春送別
筵衣冠望行色端不異登仙

贈白貞夫

往日延陵郡曾聞白傳園林間三徑僻水上百花繁北
闕恩彌渥東山意獨存風流思二老文雅見諸孫門閭
今吳邑衣冠舊洛原傳經期取相懷古寓名軒高卧方

求志幽棲已避諠煙霞常閉戶賓客暫開樽世業看前
代賢聲在後昆青雲殊不遠努力早飛翮

丙申歲始見二毛賦詩紀之

行年五十近衰鬢二毛新稍異無聞者難同久視人生
將憂作對老與病為隣浪覓藏舟壑徒成汲井輪此身
非汝有外物更誰親白首終何益降心習淨因

夏日郊居偶書十韻

郭外漁樵徑丘中隱遁居閉門三伏日堆案數函書俛

仰歲過半登臨興有餘賞心吟不愜物色畫難如高閣
雲峯麗橫塘水鏡虛迴風搖綠籜落景飲紅蕖滿眼多
情在雙眉一笑舒壺觴祇自酌魚鳥盡相於衰疾宜調
護紛華更掃除永辭朝市客高枕卧田廬

考功集卷六

欽定四庫全書

考功集卷七

明 薛蕙 撰

七言律詩

卧病貽友人

漢代無才賦子虛
病來空卧茂陵居
終年只學五禽獻
早歲渾忘三篋書
林下網蟲懸墮葉
牆頭蔓草落寒渠
日日思君欲乘興
濠梁何處好觀魚

訪孫世其叙飲

苑內銀河垂裊裊城邊暗月上微微不辭懷抱今宵盡
無奈賓朋此地稀萬里飄零同卧病三年邂逅一沾衣
燕山楚水遙相望目斷天涯鴻鴈飛

王明叔同年夜集

映燭吟詩春霧生開簾窺雪夜寒輕花邊仙吏雙鳬鳥
雲裏瀛洲五鳳城對酒已拚連夕醉相思不奈隔年情
官河南望冰潭綠愁見蘭橈送客行

贈陳真人

汝侍先皇遊帝京今年七十道將成赤霄鸞鳳朝南極
白日蛟龍下太清丹洞紅泉流玉酒石壇瑤草變金莖
何因贈我飛仙藥便可相攜海上行

春雪懷孟望之

朝來酒畔看春雪忽憶故人春雪詩裊霧含風不忍見
吟詩對酒益相思山川冀北非吾土桃李江南異昔時
此日悲君已遲暮他鄉愁見更支離

歸鴈

春日燕京鴈北飛高樓獨客一沾衣嗟予正阻滄洲去
念爾翻從江漢歸塞上風塵元自苦天邊霜雪未全稀
蹉跎剩笑浮生拙飄泊休憐羽翼微

寒食對雨遣悶

一百五日春已深閉門風雨晝陰陰乍飛燕子濕無那
欲折桃花嬌不禁歸去久淹滄海興愁來端擬白頭吟
天涯厭見繁華節更見蕭條斷客心

雨中遊翠微山

亭午翠微山半路下看山底翠雲生客來准擬山中宿
雨至何妨洞裏行隔竹泉聲初浙瀝傍巖花樹轉分明
題詩攜酒兩殊絕翻怪風煙報晚晴

秋日游都南水頭

秋來何處看秋水南苑飛泉玉不如擬弄潺湲坐脩竹
忽驚搖落對芙蓉謬持文墨慚華省久別鄉園憶敝廬
歲歲乞歸歸未得滄江空羨舊樵漁

題張子醇西峯草堂

金少正丁 卷七
山人卜築城西郭日日西山爽氣來
細雨濛濛丹磴濕
晴雲裊裊翠屏開
堦前蔓草穿書閣
石上松林覆奕臺
況有春湖可乘興
他時須作泛舟迴

贈繼之

長安城中不可留
風塵日日使人愁
上書解印我將去
拔劍出門君且休
五岳登臨幾兩屐
三江來往一扁舟
東西南北好行樂
與爾相隨萬里遊

孫氏沱西別業

巴陵西來沱水深水邊樓閣自陰陰
鼉鼉夜出洞庭岸
虎豹晝啼雲夢林鼓柁乍逢漁父笑
寧舟時聽越人吟
卜居何日從公去擬向桃花處處尋

雨霽

西堂薄暮暄氣微雨霽清風飄我衣
明月在戶稍將出
白雲向空猶自飛寄身世路有傾側
抗志神游無是非
僊人胡乃不來下接身山林同子歸

寄邢伯輿

金史卷之七
卷七
僊掖自通青瑣闥近臣多在紫薇垣苑中雲去金莖出
仗內風來赤羽翻天上諫書藏太史人間詩句見開元
獨憐卧病秋江客愁對蓬蒿日滿園

春日禁中即事

馳道春歸入建章九重花卉動年芳浮雲細細生城闕
晴雪霏霏濕苑牆內殿徐停紅羽仗御屏高閉紫金床
日長退食天門裏慚愧中朝駕鷺行

李子中林懋易曹仲禮王稚欽夜過分韻得涼

字

拂簾移尊淨客堂朔雲燕月滿宮牆建章露濕金莖凍
太液波侵玉樹涼海內風流今下榻天涯疾病舊沾裳
攀歡自惜形容異留贈空慚翰墨香

西湖

苑外西湖似若耶翠湍錦石象雲霞春深杜若已滿徑
日暖鳬鷺正在沙勝地欲令誰作主浮生安得此為家
直須輕舸隨煙霧還仗新詩對物華

道院看牡丹

四月紅芳尚滿枝，僊家春色怪來遲。
彩雲自解停歌扇，香霧時能墮酒卮。
隔檻流鶯愁並語，過簾輕燕巧相窺。
無勞地主留堅坐，貪為名花醉不歸。

自西山歸經西湖遇雨

恰向山頭窺泛濫，旋從湖畔望嵯峨。
雲輕不隔翠微色，雨細初增綠水波。
樹影離離巖際少，鳥聲噉噉霧中多。
未愁沾濕穿花去，更擬青春載酒過。

送許伯誠侍御之江南

金門散吏著書成，烏府僊人攬轡行。
七國早時先報捷，三吳今日尚屯兵。
錦帆深駐芙蓉苑，紫蓋高懸虎豹營。
久擬功名望公等，願看風采慰蒼生。

送李子中

洞庭山前水滿湖，爾行乘舸向東吳。
宦遊堅不廢丘壑，燕坐真成在畫圖。
歷村墟，懸橘柚，層層洲壘散菰蒲。
即看秀色增江國，賸寄新詩入帝都。

睡起

午夢初醒卯酒消不知風雪已終朝客來小閣聊盤礴
鳥散空園轉寂寥老境時時懷故舊宦途事事愧漁樵
古人堅卧非無意未必淵明為折腰

河曲避暑

水曲樓臺多景地坐中名勝列僊儒茂林脩竹非人世
清簾疎簾似畫圖素柰味甘宜凍醴紅蕖香酷掩熏鑪
祇言習氣渾消盡依舊呻吟據槁梧

小園納涼簡子正侍御

晚夏歊蒸氣倍驕
小園清曠暑全消
玉壺日映冰呈露
紈扇風生月動搖
窻下素床橫綠綺
堦前錦石覆紅蕉
草堂事事堪娛客
祇苦高人不可招

對雨有懷

乍淡乍濃雲片片
半疎半密雨絲絲
林花落盡漸成子
巢燕飛來頻哺兒
坐對空尊應笑客
行騎羸馬欲尋誰
平生歡友俱南北
此日傷心獨詠詩

友人枉過有作

久卧田廬慣閉關那期好事到林間
風光坐惜三春暮琴酌聊為一日閑
青苔滿院偏宜坐紅蕖盈條不忍攀
莫怪夕陽催客起會邀明月伴君還

人日

暉暉晴日透簾帷冉冉和風颺鬢絲
野老自傾田舍酒故人誰寄草堂詩
即看梅柳春含早預想鶯花景不遲
旋鬻園蔬辦家釀剝拚酩酊艷陽時

元夕郡中招觀燈不赴

遙聞郡閣夜張燈走馬來看病未能坐失繁華春可惜
轉添衰憊老堪憎風流那比高門客寂寞翻如苦行僧
欲寫詩篇酬節序短檠垂滅硯生冰

西亭宗室送白牡丹一本走筆書此寄謝

曾傍瓜田構藥欄欲憑光景慰衰殘聊同楚客憐芳草
敢冀梁園送牡丹老病只疑花解笑春風預想雪成團
攀援不減三株樹報答真慚雙玉盤

自賦常樂園一首

誰國城南稍又東一丘新買卧袁翁人非九品義皇上
園似千花佛界中隱几自堪消永日褰裳何待御泠風
文章習氣今應盡著意題詩也未工

孔汝錫得陝右少參邸報臺中舊養一鶴俄鳴
舞而去汝錫感而賦詩因同作一首

使君擁傳西征日孤鶴依依戀主鳴階下起為垂翅舞
雲間去作斷腸聲幾年枉沐乘軒寵五里能忘返顧情

潁水今朝應暫別，緱山他日會相迎。

草堂

蕭蕭寒雨對高秋，寂寂空牀擁敝裘。
歸去釣天頻有夢，挽回滄海獨無謀。
平生頗詫任公子，末路方思馬少游。
珍重故人招隱意，草堂南郭可淹留。

辛卯春日作

滿榻塵埃兩鬢絲，六年懶賦一篇詩。
非關多病捐文字，實恐無閒近死期。
何物乾坤能不朽，此生精力欲安施。

春來忽有揮毫興正是風花爛漫時

病起偶作

肺氣新年何太頻掩關風雨動經旬春寒稍稍妨觴詠
人事紛紛可笑嗔晚歲禪心了無住平生龍性獨難馴
杜康未是忘憂物細讀維摩究病因

清秋

清秋散髮倍逍遙歲暮誰言不自聊空服九華真飲露
靜聽萬籟似聞韶風流祇合專丘壑名利端須遠市朝

千載已無干祿夢故人何事苦相招

木犀次萬侍御韻

木犀舊種開何晚今歲初開擬細看葉薄青瑤雲弄影
花明金粟露生寒妙香聞處遙支策小朶簪時屢拭冠
獨遠芳叢成百匝西風忘却葛衣單

龍潭

在渦河西歐陽永叔有詩

龍潭日落鳥飛迴坐拂扁舟下釣臺尚父已無西伯載
狂奴翻使漢庭猜江湖萬里人空老宇宙千年鳳不來

忽被漁翁笑相問棹歌何事亦悲哀

雪霽

雪霽山房病骨清自移一榻卧南榮
娟娟梅蕊含春色漠漠松陰變午晴
世路收身真穩在年光觸眼可憐生
短筇預向鄰翁借伴我東風遶郭行

早春南園作

眼看花鳥繁華日心醉煙霞錮疾人
月下啼烏長達曙雨中垂柳不勝春
應門僮僕能延客旁舍漁樵競卜隣

莫羨變龍扶聖代總輸巢許得天真

春陰

春陰日日春晴少料得春晴春已歸
竹裏雄鳩嗔獨語池邊乳燕喜羣飛
炊煙冷落侵寒食簷溜飄蕭上袂衣
寂寂小軒賓客散祇餘禪榻不相違

雨晴再次前韻

殘雨闌珊漸復稀薄雲零落會須歸
階前碧草穿泥出葉底黃蜂伺日飛
餘潤遲遲留寶篆乍暄稍稍著羅衣

風光點檢無多在文酒追隨莫更違

雨中客至

客病荒村饒寂寞故人今雨忽相逢
別來渴疾春增劇坐久空厨午未舂
東濕焚枯真簡畧看雲聽竹稍從容
慇懃更覓鄰家酒惆悵初聞野寺鐘

海棠

醉倚雕闌倒玉壺貪看錦樹色數腴根株海外何年至
風韻花中絕代無西子浣紗低照影文君酤酒正當壚

少陵才調難摹寫浪把燕脂汗畫圖

病中對雨憶南園牡丹

賓客門前問疾迴圖書案上亂成堆
卧聞片雨空階滴想見名花別墅開
油幕縱然藏錦樹畫闌定自汙蒼苔
東風好為催春霽扶病還須載酒來

南園觀牡丹時雨霽病亦適愈

朝來盥漱喜新晴忽憶看花遽出城
病起好懷還似昨雨餘春色可憐生
露華濯濯含金粉雲朶鱗鱗感絳英

苦恨品題無妙語正緣佳麗若為評

牡丹送寺中供佛兼題短句

盥手薰香折好春羅巾淨拭寶鉶塵一華聊復添僧供
半偈還同讚法輪宿世曾為童子戲他生應作比丘身
若教靈運真成佛會現優曇證本因

牡丹

紅紫紛紛次第稀故留國色殿春暉東皇巧思應多少
西子妖魂定是非香霧氤氳籠寶靨流風宛轉弄仙衣

白頭更覺鍾情劇忍訴清尊不醉歸

寄劉希尹

吏部當年第一流何知謫宦遽歸休數遭唇吻真銷骨
久困風波竟覆舟夢裏不須驚寵辱胸中那可著窮愁
近聞東海多方士願與劉安物色求

小飲芍藥下作

白髮逢春取醉頻多情倍復惜餘春綠尊故是忘憂物
紅藥渾如絕代人放曠山林真得意崇高富貴不關身

二豪度量非同調未用規規笑伯倫

夏日南園

幽林長日少炎氛坐石臨流每日曛靡靡輕蘿翻爽吹
泠泠脩竹度行雲樽中尤物唯思醉身後空名不擬聞
宿昔燕京多酒伴白頭愁絕恨離羣

小圃雜蒔藥草偶成四律

昔年漢殿含香客此日譙城種藥翁已分長休辭宦達
只愁多病迫途窮髮因青燭仍迴綠眼為黃精一駐紅

少緩營魂游岱岳定攀仙駕訪崆峒

脩道那能飯一麻延年聊欲餌丹砂青繒齋去尋三秀
玉盃盛來服九華身寄人間長厭世夢游天上已為家
會追姑射乘雲氣不用羲和駐日車

百藥畦邊一草堂荷鋤抱甕送年光紅垂枸杞枝枝滿
綠裊菖蒲節節長雨霽雲芽偏動色風來石藥故添香
五符不識三天字更乞仙人別寄將

老來服散護殘年檢盡桐君第幾篇誤信朝霞能却粒

空聞水玉解垂烟更生命薄丹砂耗叔夜材凡石髓堅
自有仙鄉終不到莫同雞犬望升天

瑩心亭觀荷花作

瑩心亭上逍遙客照眼池中爛漫花白苧單衣銷暑日
玉盤纖手送朝霞身閑但覺牽詩思年老方知愛物華
笑聽采蓮頻度曲驚看垂柳乍棲鴉

病夫

平生心跡重相違再到長安再乞歸本以頑疎難偶俗

不緣憂患始忘機倦游但謂棲遲是小隱焉知出處非
海內故人多問訊病夫新製芰荷衣

感懷

當年草奏尚書省竢罪閑居已白頭但使奸諛破心膽
寧辭老死向山丘董生不識平津閣李廣那論校尉侯
富貴區區非我事飯蔬飲水復何求

懶慢

舊來懶慢耽黃老祇擬山林寄此生傲吏未甘從薄宦

愚公翻笑竊高名，烏皮几上聞天籟。
癭木尊中遺世情。
莫謂棲遲空白首，人間擾擾亦何成。

蘇允吉侍御孔汝錫僉憲同觴小園薄暮值雨
驟作四韻奉呈二公

內臺兼約行臺使，南郭相尋負郭翁。
行徑追隨雙蓋並，草堂灑掃一尊同。
飲中僊侶逢蘇晉，坐上嘉賓接孔融。
正喜淹留垂暮雨，莫辭顛倒醉秋風。

中秋對月作

可憐三五最佳月更愛風煙萬里晴金魄乘秋偏皎鏡
青霄入夜轉分明紛紛寶氣浮滄海隱隱仙歌落玉京
不惜綺裘侵露坐只愁銀漢向西傾

考功集卷七